


宋人小說

十五

垣齋通編  
臆乘  
雞肋  
釋常談  
續釋常談  
上中下



和書門			
二	四	三	六
冊	架	函	號

內閣文庫			
三	三	淡	
七	一	書	
函	六		
七	二		
架	四		
	八		
	冊		
	號		
	類		

內閣文庫			
番號	漢	3168	
冊數	24	( 15)	
函號	371	6	



坦齋通編

宋 邢凱撰 陶宗儀輯

畫當作畫

孟子去齊宿於畫畫當作畫字之誤也按史記田單

傳聞畫邑人王蠋賢劉熙註畫音濩齊西南近邑也

後漢耿弇討張步進軍畫中遂攻臨淄拔之即此可

證

註書未是

左傳昭公二十四年長弘引秦誓曰紂有億兆夷人

坦齋通編

亦有離德子有亂臣十人同心同德杜預注云今秦誓無此語按秦誓中篇實有之但離心離德改爲亦有離德耳預豈偶忘之耶

執冰而踞

左傳執冰而踞杜預以冰爲箭筈初疑其不然及觀詩大叔于田抑釋棚忌註棚冰所以覆矢鬯弓師古釋文棚音冰所以覆矢也馬氏云積員蓋也今韻畧註云箭房之蓋棚通作冰知預之說爲有據也

郭公

春秋書夏五郭公人皆以爲闕文夏五固無可疑至郭公胡氏以爲郭亡蓋齊威有郭何故亡之問父老有善善惡惡之對然以公爲亡疑其未然按春秋書有蜚有蜚謂昔無而今有也至蝻之一字僖文宣哀之世凡六書之而無它說以此爲例恐郭公亦止是一物直書之以記異爾本草布穀一條江東呼爲郭公豈此物邪

顏孟十哲

顏孟十哲子雖齊聖不先父食顏回曾參子也享于

殿上顏路曾皙父也貌于廊廡沒而有知其歆祀乎  
子思師也而列于下孟軻門弟子也而坐于上亦其  
可乎宜別立室祀顏路曾皙子思庶存名分

改易地名

詩人好改易地名以就句法如大孤山旁有女兒港  
小孤山對岸有澎浪磯韓子蒼詩小姑已嫁彭郎去  
大姑常隨女兒任四者之中所不改者女兒港耳蜀  
大散關有喜歡鋪東坡入韻詩人遇喜歡來遠夢地  
名皇恐泣孤臣自下而上第一灘在萬安縣前名黃  
公灘坡乃更爲皇恐以對喜歡廬陵志二十四灘坡  
詩乃云十八灘頭一葉身亦非也

伏波

作詩文之類如用馬援字但以伏波則不可須加一  
馬字乃是蓋前漢已有路博德爲伏波將軍矣見史  
記衛青傳從霍驃騎軍有功封符離侯

古今涓日

古今涓吉外。事。用。剛。日。內。事。用。柔。日。如。甲。子。爲。剛。乙  
丑。爲。柔。至。爲。簡。易。甲。午。治。兵。壬。午。大。閱。吉。日。庚。午。旣

差我馬皆外事也故用剛丁丑蒸巳丑嘗凡祭之用  
丁用辛內事也故用柔日然社祭用甲郊以日至亦  
不拘也後世術家既多互相矛盾褚先生云武帝聚  
會占家問某日可娶婦乎五行家曰可堪輿家曰不  
可又有建除藜辰天人太乙曆家凡七種所言吉凶  
相半制曰避諸死忌以五行爲主今觀諸曆一日之  
內有吉有凶當如武帝主一家可也鄭鮮之啓宋武  
明旦見蠻人是四廢荅曰吾初不擇日此亦可廢見  
殷芸小說

西方聖人

列子述孔子曰西方有聖人佞佛者以爲指釋氏而  
言皆妄也國語姜氏曰西方之書有之曰懷與安實  
疾大事注云周詩誰將西歸西方之人皆謂周也子  
謂孔子果有是言謂昔文王也於佛何與至王通直  
指佛爲西方聖人其學可知矣

巫覡致妖

吉顛地近歐粵其俗右鬼父老言巫覡挾邪以登人  
門妖怪隨至當令絕之因觀漢武惑樂大之術至封

地齋通編  
侯賜第大夜祠於家將以下神神未至而百鬼集乃  
信父老之言不誣

刑天

洪內翰語靖節詩刑天無千歲當作刑天舞干戚字  
之誤也周益公辨其不然按段成式雜俎天山有神  
名刑天黃帝時與帝爭神帝斷其首乃曰吾以乳爲  
目臍爲口操戈戚而舞不止則知洪說爲是

干姓

干于皆姓也千古寒切干姓編云望出滎陽潁川宋

有干犇晉有于寶著搜神記于本姓邗周叔王邗叔  
之後子孫去邑爲干漢有于定國魏將軍于禁望出  
東海河南是于與干爲二姓甚明今晉書于寶傳書  
于作于文選晉武革命論則云于令升諸書引搜神  
記則云于寶周禮記則云于寶字晝之差相承之久  
遂至無辨良可嘆也

Vertical columns of text on the right page, mostly illegible due to fading.

臆乘

宋 楊伯岳撰 陶宗儀輯

經史字音 經史中字註音韻世人流傳訛舛不以爲

嫌談話及散文中用之故無害若夫對偶與夫押韻

詎可不審哉今聊疏數字 魁梧 梧去聲 西漢 救梧 梧音 梧項

羽膠 膠上聲 莊子 權酤 酤上獲切 武帝紀 隱几 隱去聲 孟 子莊子

粟馬 秣馬也西漢匈奴傳云以爲漢兵不能至乃粟

馬注云以粟稱馬蓋用詩鴛鴦篇乘馬在廐摧之秣

之注秣乘也前摧之用粟字已奇注又云無事則委

之以筮有事乃予之以穀若筮馬穀馬尤奇

枉渚岐注陸士龍荅張士然詩通波激枉渚五臣注  
枉渚是今曲池之義楚辭九章云發枉渚又小灣曰  
枉渚郭璞江賦曰音岐成渚云岐山岸曲處江水潮  
因曲成渚此又岐渚也

思牢竹南番思牢國產竹質甚澁可以礪指甲唐崔  
鷟詩云一自出輕芒皚皚落微雪又李商隱射魚曲  
云思牢弩箭磨清石綉額蠻渠三虎力是知亦可作  
箭今東廣新州有此種製琴樣爲礪甲之具但微滑

當以酸漿漬之過信則澁後視字書六書豪韻笏字  
下註云篋笏竹名淮南子云女夷鼓吹以思天和以  
長穀禽鳥草木註云女夷主春夏長養之神也郭璞  
江賦云水夷倚浪以傲睨注云水仙人也

鼎卦雉膏鼎卦雉膏不食云美也黃山谷詩數面欣  
羊脾論詩喜雉膏乃借用美之意唐張演先有詩云  
雉膏美景在藜陰紅葢丹跼次第尋羊脾卽夷狄傳  
曰入烹羊脾熟東方已明說文曰未戴角曰膏

衢尊明尊人皆用之淮南子云聖人之道猶中衢而



致尊邪注云道通謂之衢尊酒器也六尊爲衢尊人絕未用晁無咎和東坡梅詩云一篇尚可三致意聽人酌去如衢尊蓋用此也

柳花柳絮柳花與柳絮迥然不同生於葉間成穗作鵝黃色者花也花旣褪就帶結實其實之熟亂飛如綿者絮也古今吟咏徃以絮爲花以花爲絮畧無分別可發一笑杜工部詩有雀啄江頭黃柳花又有坐憎柳絮白於綿之句則花與絮不同顯然可見又曰糝徑楊花鋪白氈得非又一時鹵莽而然邪

墨墨墨無也新序晉平公閒居師曠侍坐平公曰子生無目朕甚矣子之墨墨也曠對曰國有五墨墨而不危者未之有也臣之墨墨眇墨耳何害乎國家哉棹磬內則舅姑若使介婦毋敢敵偶於冢婦不敢並行不敢並命不敢並坐注云不敢棹磬齊人以絞許爲棹磬崔云北海人以相激事爲棹磬棹徒鈞反科頭俗謂不冠謂科頭此二字出史記張儀傳注云謂不着兜鍪入敵

朝定真冷契丹主聞唐莊宗爲亂兵所害哭曰我朝

定猶華言朋友也真冷遺命也出莊子山木篇桑雥  
曰舜之將死真冷禹曰汝戒之哉形莫若緣情莫若  
率注冷曉也謂以真道曉語禹也

司馬遷言李陵轉鬪千里矢盡道窮士張空卷漢書  
文穎註曰卷弓弩拳也師古曰拳去權反字與蔡同  
又音眷李善注文選援李登聲類云拳或作捲言兵  
已盡但張空拳以擊耳桓寬塩鐵論曰陳勝奮空捲  
而破百萬之軍顏師古讀爲拳者謬矣拳則屈指不  
當言張陵時矢盡故張弩之空弓非手拳已今流俗

謂奮空拳蓋以拳手之拳則失之矣

容齋隨筆備載樂天詩中字音異處蒙嘗暇隙徧閱  
集中如四十著緋軍司馬司作入聲四絃不似琵琶  
聲琵琶字作入聲爲問長安月誰教不相離相字上聲  
紅樓許住否樓鑰請不用否請字並作平聲池通淺  
沮澗沮秋夜切歸來無可可霑衣下可字可紇切穿衣  
妨寬袖妨字作去聲如此之類意其爲方言或一時  
借用耳政如少陵詩會須上番看成竹番字作上聲  
恰似春風相欺得相字作入聲其義一也若曰已絃

趣數彈數字從速切恐如孟子數罟不入洿池又曰  
嵬峩字並上聲恐如韓文聖德頌頌嶽抵橐峩音  
我又曰捫腹方果然果字音顛此却正用莊子逍遙  
遊腹猶果然注若火切又曰荅然無所有荅音塔亦  
正用莊子齊物南郭子綦嗒然似喪其偶嗒字吐荅  
切又詩曰作底歡娛過此夜作音做正如韓文方橋  
如此做又曰栝讌喜過喜字去聲此史中多用之如  
漢陳遵傳道大喜之又十八人名空一人空字去聲  
正如選詩潭影空人心又云司馬人間冗長官長字

去聲正用陸機文賦無故取乎冗長是也又有非本  
韻而叫韻呼者乃方言耳外有盡君花下醉青春盡  
字音津上聲窰銀中貴帶窰字去聲飄然轉旋迺雲  
程旋字去聲匹如元是九江人匹字去聲醉依香枕  
坐依字鳥皆切却未知所據候扣博聞者

茶名茶之所產六經載之詳矣獨異美之名未備謝  
氏論茶曰此丹丘之仙茶勝烏程之御舞不止味同  
露液白况霜華豈可爲酪蒼頭便應代酒從事楊衍  
之作洛陽伽藍記日食有駱奴指茶爲酪粥之奴也

杜牧之詩山寔東南秀茶稱瑞草魁皮日休詩十盆  
前臯盧曹鄴詩劍外尤華美施肩吾詩茶爲滌煩子  
酒爲忘憂君此見於詩文者若南越志若苦澁爲之  
果羅北苑曰葉布絕品豫章曰白露曰白茅南劍曰  
石花曰錢芽東川曰獸目湖常具白茶筍壽州曰黃  
弟福問曰生第露第岳陽曰含膏外此無多頗疑似  
者不書若蟾背殿須鵲舌懈眼瑟瑟歷霏霏靄及鼓  
浪湧泉琉璃眼碧玉池又皆茶事中天然偶字也  
丈二尺一今俗語丈二尺一之類亦有所本前漢匈

奴傳尺一牘尺二寸牘嚴加傳丈二之組後漢陳蕃  
傳尺一選舉李雲傳一尺一并用考記注芟長丈二  
杜少陵詩同歸尺五天容齋隨筆畧載今詳書之  
責負漢高帝紀折券棄負師古注次簡牘爲契券折  
毀之棄其所負其谷永傳起責分利愛謝師古注曰  
古富貴有錢於他人次取利息今之人謂放債取償  
蓋本諸此殊不知周禮天官小宰聽稱責以傳別注  
稱責爲貸子傳別謂券也舉此言之則起責之說其  
來尚矣

續釋常談常引白樂天鷓鴣之句解未得其似鷓鴣  
鷓之鷓世多寫爲鷓殊不知乃鴨字接丁度集韻鷓  
字在入聲三十三狎韻內與鴨字一同若鷓屬當從  
鷓在下平聲二十二覃韻與鷓鷓鷓鷓一同  
雲族莊子云雲氣不待族而雨族聚也未聚而雨言  
澤少也李義山雪賦云雲市飄蕩當從於月月窟浙  
瀝合隨於雲市云族云市亦奇字  
宰相稱號史傳載居相位妍醜之稱如漢袁盎呼申  
屠嘉曰愚相公孫弘贊曰儒相田千秋曰車丞相張

蒼贊曰名相翟方進曰通明相後漢杜林曰任職相  
晉謝安曰風流宰相武后呼杜景佺憲宗稱李絳俱  
曰真宰相唐盧懷慎曰伴食宰相蘇環蘇頲贊曰再  
世爲賢宰相關播曰盲宰相楊再思曰癡宰相本朝  
李沆曰聖相丁謂曰鶴相杜衍曰清白宰相陳升之  
曰筌相蔡確曰三旨丞相呼人爵之崇莫若秉軸淑  
慝之行皆得而議焉不可不謹也

古人自以公稱者獨范蠡曰陶朱公人號之者皆諸  
葛恢曰黑頭公宋沈慶之羣蠻號曰蒼頭公梁張綰

曰百六公齊何戢曰小斯楮公後魏于栗碑曰黑稍  
公古彌曰筆頭公北齊訴惇曰長鬣公齊鬣公崔日謙  
曰白鬚公後周韋瓊帝呼曰逍遙公唐李德裕稱牛  
僧孺曰大牢公

若翁號則漢田蚡罵竇嬰曰一禿翁北齊武成帝小  
字曰鳧翁唐盧從愿帝稱曰多白翁竇鞏人號曰囁  
嚅翁陸羽自稱曰桑苧翁杜牧自號曰樊川翁本朝  
黃魯直自號涪翁張師雄人嘲之曰蜜翁

郎如晉桓冲小字曰買得郎人稱吳周瑜曰周郎晉

謝道韞稱夫王凝之曰王郎何晏曰何郎粉郎潘岳  
曰潘郎檀郎宋玉僧虔曰王郎齊江教曰江郎劉顯  
父曰劉郎梁顧協曰顧郎北齊盧師道曰盧郎袁聿  
修曰清郎後周獨孤信曰獨孤郎隋滕穆王曰楊郎宇  
文鼎曰宇文王郎唐明皇曰三郎張昌宗曰六郎元  
結曰漫郎錢起曰錢郎程元報曰十郎蕭悅曰蕭郎  
劉禹錫自稱曰劉郎五季閩王王審知曰白馬三郎  
乃皆郎稱也  
如晉王敦曰可見司馬曰犬子唐白居易姪曰羅兒

龜兒皆是小字也後漢賈復稱其子曰大宛兒崔暹  
曰癩兒人稱者漢東方朔曰偷桃小兒祖蜀譙周曰  
長兒晉王衍呼裴逸曰白眼兒山濤稱王衍曰寧馨  
兒後魏長孫業諸子曰鐵小兒罄曰聖小兒唐楊儉  
蘇特曰黃面兒五季李業曰僕羅兒李信曰牧羊兒  
乃皆兒稱也

以童得名則漢中軍曰終童後漢杜安晉潘岳唐李  
百藥俱曰竒童齊鬱林王曰蕪童  
以奴得名晉桓嗣曰豹奴王濛曰阿奴石崇曰齊奴

潘岳曰檀奴後漢古弼帝稱曰齊奴孫騰曰僧奴皆  
小字也晉陸機人罵曰貉奴明帝人號曰鮮卑奴宋  
廢帝稱父武帝曰麟奴後漢古弼帝稱曰筆頭奴唐  
顏杲卿罵安祿山曰牧羊羯奴本朝梅聖俞呼謝師  
直曰錦衣奴

魄莫物之虛浮而不堅實者俗謂之魄莫嘗疑其無  
據及觀內則去其皸注云皮肉之上魄莫魄普各反  
莫音漠皸音闡膜也

俗謂娶婦曰索妻關羽傳孫權遣使索羽女爲子婦

有隋書太子勇傳獨孤后曰爲伊索得元家女索妻之語蓋本諸此後漢明帝永平四年詔京師冬無宿雪春不澳水注云言無暄潤之氣何平叔景福殿云冬不淒寒夏無炎燁國語亦云火無炎燁

俗稱果核中子曰仁或曰人相傳如此於義未明余謂當以仁是蓋仁者生意之所寓謂百果得此爲發生之基

擊鮮世多用烹鮮字未若前漢陸賈傳曰數擊鮮毋久溷汝爲也注云擊殺鮮字美擊鮮二字爲勝劉汾

注引史記云數見不鮮謂言人之常情頻見則不美又引馬公傳不鮮謂漢人語而史記本傳注云不鮮之義乃必令鮮美作食莫令見鮮之不語按馬宮三公之位鼎足承君不有鮮明風守無以居位如是則人與所援不同未知孰是尚書益稷篇旣益奏庶鮮食註云鳥獸之食也無逸篇惠鮮鰥寡言窮民垂首喪氣文王之惠綏莫不鮮鮮然有生意鮮字鮮惠亦奇

莊馘王仲宣從軍詩館宅克屢里女士滿莊馘李善



注引韓詩肅肅兔置施於中廕爾雅曰六達謂之莊  
九達謂之達說文達或作廕故毛詩兔置云施于中  
達莊廕蓋衢道之稱也

賈區胡建傳時監軍御史爲姦北軍穿垣以爲賈區  
師古曰坐賣曰賈古之爲區也小室之名若今小菴  
屋之類衛士之屋謂之區廬宿衛宮衛士稱爲區士  
也

行第前輩以第行稱多見之詩少陵稱謫仙爲十二  
鄭虔爲鄭十八嚴武爲嚴八鄭賁爲鄭十八蘇溪爲

蘇四張建封爲張十三唐診爲唐十五裴虬爲裴二  
李御爲十一文公稱王涯爲王二十李建爲李十一  
李程爲李二十崔立之爲崔一十六熊署爲熊十一  
熊籍爲熊十八李正封爲李二十八馮宿爲馮十七  
侯喜爲侯十一柳州稱韓文公爲韓十八劉禹錫謂  
元稹爲元九又韋蘇州稱李澹爲李十九歐陽瞻稱  
徐晦爲徐十八錢起稱李勣爲李四李勉爲李七嚴  
父高適俱稱少陵爲杜二樂天稱劉夫敦爲劉三十  
二李大畧爲李二十王篋夫爲王十八崔元亮爲崔

十八李義山稱社勝爲杜二十七李潘爲李十七趙滂爲趙十五令狐絢爲令狐八高適稱張旭爲張九陳子昂稱王兢無爲王二韋虛乙爲韋五趙真固爲趙六李崇嗣爲李三儲光義稱王維爲王十三皇甫毋稱柳柳州爲柳八鄭堪爲鄭三孟浩然稱張千容爲張八王摩詰稱韋穆爲韋十八山谷稱東坡爲蘇二後山稱少游爲秦七少游稱后山爲陳二山谷爲黃九

浹辰浹日左傳成公九年云浹辰之間楚克其三都

辰指十二辰自子至亥也周禮天官云浹日而歛之以甲至甲爲浹日凡十一日也

鬻爵事物紀元載鬻爵始於漢文帝受晁錯言令人入粟與官及援武帝靈帝事殊不知秦始皇時蝗蔽天下詔百姓納粟千石拜爵一級蓋又在漢文之前也

行李左傳一介行李杜預曰行李使人通聘問者按古文使字從山从人从子豈悞以使字爲李字耶出九山谷詩云肉食傾人如出九注引律詩博戲賤

物並停止出九和合者各令衆五日益博徒勝則八十其負則出僕止以九云

絕字之義絕字義訓不同如子絕四者無也絕筆於獲麟之一句者止也韋編三絕者斷也絕妙好辭者奇也絕類離倫者冠也超絕物表者超也物倫已絕者息也相望遼絕者遠也烽烟始絕者熄也絕壁蒼蒼者峭極也意好殆絕者盡也絕江海者橫渡也前漢武帝紀載衛將軍絕幕者謂直度匈奴沙土之界也

芥蒂世稱芥蒂或芥蒂徃徃字音皆未詳按文選張平子西京賦云睚眦蠶芥五臣注怒貌李善注引張揖子虛賦注曰蒂芥刺鯁也蠶與蒂同郭象莊子注亦云蠶芥

負茲曲禮云有負薪之憂孟子云有采薪之憂義皆相近周益公謝祠來曰介竹無功狼辭狼邵負茲有疾願備祠官人謂誤寫不知公自注云出公羊威公十六年屬負茲注云屬托也諸侯疾稱負茲大夫稱犬馬士稱負薪此言托疾也

獻成發成斯干考室注考成也歌詩以落之又左傳  
欲與諸侯樂之饗大夫以落之然落有隕墜衰謝之  
義今人用落成非宜檀弓晉獻文子成室諸大夫焉  
注獻之謂賀也諸大夫亦發禮以往獻之與發二字  
爲美一散李經載酒器如曰單尊爵觶角觥觚至後  
世有伯雅叔雅季雅大曰婪尾觴號人皆知之詩簡  
兮公言錫爵註惠下不過一散散酒爵也受五升此  
二字亦奇

絲竹管絃舊傳王羲之蘭亭修禊引用絲竹管絃字  
故不入文選殊不知西漢張禹傳嘗用是四字矣羲  
之用祖此而劉原父注亦云絲竹管絃物二等爾於  
文爲駢

雞肋

宋 趙崇綸撰 胡潛校閱

余嗜書如簡中之蠹魚讀書如瀛莫之設畫性根  
弗靈無彊記能寘一編於几硯間隨筆錄之久而  
成卷以類抄聚其可去者十一亦有可觀者焉別  
爲一卷名曰雞肋云

從理入口目有重瞳之異

漢周亞夫從理入口竟以餓死南史有水軍都督褚  
蘿面甚尖危從理入口竟保衣食而終 舜目重瞳

雞肋

項羽亦重瞳子而死垓下隋魚俱羅目有重瞳爲煬帝所忌斬東都市

羊侃勇力

南史羊侃膂力絕人所用力至二十石馬上用六石弓嘗於兗州堯廟蹋壁直上至五尋橫行得七跡四橋有數十人長八尺大十圍侃執以相擊悉皆破碎少時仕魏爲郎以力聞魏帝嘗謂曰郎官謂卿爲武豈羊質虎皮乎試作武狀侃因伏以手扶殿沒指後歸梁高祖幸樂遊苑侃預宴時少府奏新造兩刃稍

成長二丈四尺圍一尺三寸帝令賜侃試之執稍上馬左右擊刺特盡其妙觀者登樹帝曰此樹必爲侍中折矣俄而果折因號稍爲折樹稍侃性豪侈姬妾列侍儻人張淨婉腰圍一尺六寸能掌上舞又有孫荆玉能反腰帖地銜得席上玉簪

肉飛仙

北史沈光仕隋太子勇引署學士驍捷跡弛禪定寺中幡竿高十餘丈適值繩絕非人力所能反光因取索口銜拍竿而上直至龍頭繫繩畢手足皆放透空

而下以掌拓地倒行十餘步觀者嗟異時人號為肉飛仙

蕭譽惡見婦人

南史梁王蕭譽尤惡見婦人相去數步遙聞其臭經御婦人之衣不復更着

劉邕嗜瘡痂

南史劉邕嗣南康郡公性嗜瘡痂以為味似鮫魚嘗詣孟靈休灸瘡痂落床上邕取食之靈休大驚邕荅云性之所嗜靈休瘡痂未落者悉褫取以飴邕邕既

去靈休與何勗書劉邕同見噉遂舉體流血曰南康國吏二百許人不問有罪無罪遞互與鞭瘡痂常以給饅

到彥之初檐糞

南史到彥之初以檐糞自給後以功至南豫州刺史封建昌縣公

婦人有鬚

唐李光弼母有鬚數十長五寸許封韓國太夫人二子光弼封臨淮郡王光進封武威郡王皆為名將死

葬長安南原將相祭奠凡四十四幄

男子乳生漚

後漢李善本南陽李元蒼頭元家疾疫相繼死惟有孤兒續始生數旬諸奴婢欲殺續分財善潛負續逃親自哺養乳為生漚唐元德秀兄子襁褓喪親無資得乳媪乃自乳之數日漚流能食乃止

累世有列傳

晉呂虔有佩刀工相之以為必登三公可服此刀以與王祥祥臨薨以刀授弟覽曰汝後必興足稱此刀

覽後奕世多賢才覽孫導至十一世孫褒歷兩晉宋齊梁陳後周凡七十餘人皆有列傳如羲之獻之徽之弘僧達曇首僧綽僧虔儉皆有孫裔此史傳所無也若河東裴十代有傳非一祖流傳又晉謝氏及南史江氏亦數代有傳皆不及也

千里駒

漢劉德 魏曹休 晉傅咸 劉曜 符朗

宋張敷 梁蕭暎 王規 劉杳 王茂

任昉 齊丘仲孚 袁昂 北魏李孝伯



袁躍

北齊馮翊

王潤

崔昂

元文遙

後周杜杲

隋張乾威

唐李昂

成王千里

知囊

史記秦樛里子號知囊漢鼂錯以辯號知囊東漢魯匡王莽時為羲和有權數號知囊晉宣帝舉兵廢曹爽桓範出赴爽宣帝曰知囊往矣杜預號知囊

八達

魏曹爽傳李勝明帝時人曰勝堂有四窻八達各有王名諸葛誕八人號八達晉光逸與胡母輔之謝

鯤畢卓等八人裸袒酣飲謂八達晉宣帝兄弟八人俱以達為字時號八達

萬石君

漢石奮號萬石君馮揚宣帝時為弘農太守八子皆二千石號萬石君東漢秦彭與群從同時為二千石者五人三輔號萬石秦氏唐張文瓘高宗時為侍中四子皆至三品人謂之萬石張家又西漢嚴延年兄弟五人皆至大官東海號其母曰萬石嚴姬

佩六印

蘇秦佩六國相印漢五利將軍佩六印謂五利天士  
地士大通天道五將軍樂通侯凡六印 戰國犀首  
亦佩五國相印唐王忠嗣爲河西隴右節度使權朔  
方河東節度使佩四將印

噀酒救火

後漢欒巴噀酒救成都火郭憲噀酒救齊國火晉佛  
圖澄噀酒救幽州火

水鏡

蜀龐德公以司馬德操爲水鏡晉衛瓘竒樂廣曰此  
人之水鏡北史蔡大寶見柳莊嘆曰襄陽水鏡復在  
於茲

撲鏡

魏夏侯惇爲流矢傷左目每照鏡志怒輒撲鏡於地  
蜀張裕曉相術每舉鏡自知刑死未嘗不撲鏡於地  
吳孫策殺于吉後被創方差引鏡自照見吉在鏡中  
因撲鏡大叫創裂而死

倒用印

唐朱泚僞迎天子段秀實倒用司農印以追其兵五

代劉皇后遣人殺郭崇韜李崧倒用都統印以定人心

大人跡

史記始皇時有大人見臨洮腳跡六尺漢武帝求神仙公孫卿至東萊言見大人長數丈跡甚大魏咸熙二年大人見襄武縣跡長三尺二寸唐則天長安元年司刑寺囚偽作大人跡五尺改元大足

猿臂善射

漢李廣 吳太史慈 前趙劉淵 後唐李存孝

垂手下膝

蜀先主 晉武帝 後周太祖 陳武帝宣帝 前趙劉曜 秦符堅 後秦姚萇 南燕慕容垂 五代南漢劉龔 蜀王衍 南史陳柳皇后皆垂手下膝又北魏李祖昇南史宋王元初隋劉元進手垂過膝皆以誅死

口吃人

韓非 司馬相如 楊雄 周昌 魯恭王 魏明帝 鄧艾 宋孔顛 後周盧柔 鄭偉 隋盧楚

唐李固言 南唐孫盛

古人嗜好

文王嗜菖蒲 武王嗜鮑魚 吳王僚嗜魚炙 屈

到嗜芟 曾皙嗜羊棗 公儀休嗜魚 王莽嗜鰓

魚 王右軍嗜牛心 宋明帝嗜蜜漬鯉鯪 齊宣

帝嗜起麪餅鴨臠 高帝嗜肉膾 陳後主嗜驢肉

齊蕭頴胃噉白肉膾至三斗 後魏辛紹先嗜羊肝

唐陸鴻漸嗜茶 魏明帝好槌鑿聲

夢筆

江淹夢五色筆 王珣夢人與大筆如椽 紀少瑜

嘗夢陸倕以一束青縷筆授之 唐李嶠夢人遺之

雙筆 李白夢筆生花

軍中有女子

梁湘東王嘗出軍有人將婦從者王曰才愧李陵未

能先誅女子將非孫武遂欲驅戰婦人徐君蒨為訟

議叅軍幼聰明應聲曰項籍壯士猶有虞兮之愛紀

信成功亦資姬人之力 北魏太武令古弼征馮弘

高麗救軍至弘令婦人被甲居中其精卒及高麗陳

兵於外遂東奔高麗 唐韓弘惡李光顏忠力思有以抗讎之乃飾名姝遺光顏光顏大合將校置酒使者引侍姝至秀曼都雅一軍驚視光顏徐曰我去室家久以爲公憂誠無以報德然將士皆棄妻子蹈白刃奈何獨以女色爲樂厚賂使者遣之將卒感激王智興破姚海獲美妾三人智興曰軍中有女子安得不敗卽斬以狗 隋文帝以韋孝寬爲元帥擊尉遲迥孝寬有疾每卧帳中遣婦人傳教命 唐柴紹吐谷渾党項寇邊敕紹討之虜據高射紹軍紹安坐

令人彈琵琶使二女舞虜疑之休射觀紹伺其懈以精騎衝擊虜大潰敗

### 古人酒量

漢于定國爲廷尉食酒至數石不亂冬月治請讞飲酒益精明 鄭康成飲酒一斛盧植能飲一石 晉周顛飲一石 劉伶一石五斗解醒 前燕皇甫真飲石餘不亂 後魏劉藻一石不亂 南齊沈文季飲至五斗妻王錫女飲酒亦至三斗對飲竟日而視事不廢 鄧元起飲至一斛不亂 北史柳謩之飲

一石不亂 陳後主與子弟日飲一石 孔珪飲酒七八斗

漢兩張禹

前漢張禹字子文成帝時為丞相封安昌侯後漢張禹字伯達和帝時為太傅安帝時以定策功封安鄉侯

晉兩劉毅

一字仲雄公正峭直武帝時為尚書左僕射一字希樂與劉裕起義兵討桓玄為豫州刺史

唐兩李光進

其先皆蕃部人皆為名將建節越一乃光弼之弟一乃光顏之兄

玉環

明皇雜錄唐睿宗所御琵琶曰玉環楊貴妃小名曰玉環

玉樓

李賀為白玉樓記集仙傳王母所居龜臺有玉樓十二又道家以兩肩為玉樓故坡詩凍合玉樓寒起粟

雞肋

光搖銀海眩生花

銀河

道家以目為銀河乾闥子裴鈞大宴有銀河受一斗飲器也

白鳥

陸機詩疏鷺謂之白鳥夏小正閩蚡謂之白鳥

玄駒

爾雅云駒小鳥也夏小正謂蟻曰玄駒古今注謂黑鯉為玄駒

夜光

鄒陽傳夜光之璧古今注螢火一名夜光淮南子月名夜光

司花女

南部烟花記煬帝令袁寶兒持花號司花女續仙傳鶴林寺杜鵑花開有紅裳女子遊花下謂殷七七曰妾父司此花今為道者開之

繞梁

列子韓娥歌音繞梁樂書繞梁樂器也與箜篌相似

宋武帝大明中沈懷遠為之懷遠亡其器亦絕矣又楚莊王琴名繞梁

莫難

古今注莫難珠色黃出東夷鄴中記扇之奇巧者名莫難

小蠻

白樂天詩楊柳小蠻腰即白公侍兒也若晚春酒熟尋夢得云還携小蠻去試覓老劉看即酒榼也

忽雷

洽聞記鱗魚一名忽雷樂府雜錄文宗朝內庫琵琶號大忽雷小忽雷



與大恩雷小恩雷

宗國通鑑魚一各公雷樂直辨雜文宗博山風

釋常談卷上

宋 亡名氏著 沈鼎新閱

世有輕裘公子長鋏少年策玉轡於春朝風流可  
愛酌金壺於月夜逸樂無偕泊乎陪佳客之談諧  
與儒士之言論理涉隱諭不究津涯幾至面牆真  
可痛惜遂乃採古經之祕義掇前史之奧詞僅以  
成編隨目註解總得二百事名曰釋常談庶有飾  
於蕪詞固不愧於博學其或繼玉麈尾者無倦習  
諸云爾

投筆

從文入武謂之投筆漢班超字仲叔家貧傭書以自給乃擲筆於地曰大丈夫當效張騫傅介子立功於異域以取封侯萬里之外安能久事筆硯乎時大將軍耿康用超爲行軍司馬討西域有功封爲定遠侯

甲第

好宅謂之甲第甲者首也漢書平恩侯許伯入新宅孟寬饒訪之入門仰視而歎曰富貴無常如此甲第所閱甚多忽卽易主

醇醪

好酒謂之醇醪吳書程據常以氣凌周瑜瑜未嘗有愠色承奉愈謹程據自慙遂投分於瑜曰與公瑾

公瑾

周瑜字也

爲友如飲醇醪不覺自醉

小冠子夏

患目者謂之小冠子夏漢書杜欽杜鄴俱有大名於兩人皆字子夏欽眇一目被人呼之盲子夏欽惡以盲字爲號自作一小冠戴之時皆呼爲小冠子夏

喋喋

多語話謂之喋喋漢文帝幸上林苑虎圈問上林尉  
虎圈中事尉一詞不措有嗇夫代奏對言語無窮應  
答不滯帝乃命與嗇夫官張釋之諫曰不可嗇夫利  
口捷給陛下若與之官即使天下之人唯事口舌喋  
喋而已帝遂納諫

泰山

丈人謂之泰山玄宗開元十三年封禪于泰山張說  
為封禪使說女壻鄭鎰本是九品官舊例封禪後自  
三公已下皆轉遷一階一級惟鄭鎰是封禪使女壻

驟遷至五品兼賜緋服因大酺次玄宗見鎰官位騰  
跳怪而問之鎰無詞以對優人黃幡綽奏曰此乃泰  
山之力也因此以丈人為泰山

渭陽

舅謂之渭陽左傳云魯康公之母即晉獻公之女也  
康公送晉獻公之子文公至渭陽曰見我舅氏如母  
存焉凡山以南面為陽  
水以北面為陰是康公送舅至渭水之北因  
曰渭陽也

宅相

外甥爲之宅相魏舒字陽元少孤爲外家寧氏所養寧氏起宅相者曰此宅合出貴甥魏舒聞之曰吾爲外家成此宅相也舒後位至晉卿果如宅相者之言因呼外甥爲宅相

玉潤

女壻謂之玉潤晉樂廣字彥輔衆皆呼爲冰清女壻衛玠字叔寶世號爲玉人故時爲之語曰婦翁冰清女壻玉潤

東牀

女壻謂之東牀晉太尉郗鑒遣門生求女壻於王導家導命來便徧觀之王氏子弟咸自矜特唯一人於東牀坦腹而卧旁若無人郗太尉聞之曰東牀坦腹者佳壻也訪問乃是羲之遂以女妻焉

有尺布斗粟之事

兄弟不睦謂之有尺布斗粟之事漢文帝時淮南王長卿文帝弟也謀不軌文帝不忍戮謫於蜀在道不食而死時人謠言曰一尺布尚可縫一斗粟尚可舂兄弟二人不相容帝聞之追悔不及

參商

兄弟不和夫婦不睦皆謂之參商也左傳曰昔高辛氏有二子長曰閼伯次曰寔沉居于曠林皆不相善日尋干戈以相征討后帝不臧遷閼伯于商丘主辰

星

商人以長星為商星也

遷寔沉于大夏主晉星

唐人以晉星為參星

故

謂之參商

商丘地大夏則今在末晉陽縣是也

張蓋

戴席帽謂之張蓋春秋後語曰商君問趙良曰吾相秦何如五殺大夫良曰五殺大夫相秦也勞不坐乘

暑不張蓋及其薨也童子不謔謠春者不相杵君不如也

傾蓋

卸帽謂之傾蓋家語曰孔子之鄉遇程子於途傾蓋而語終日甚悅顧謂子路曰取束帛以贈先生傾蓋駐車者也

愛忘其醜

人有相善不顧其過謂之愛忘其醜呂氏春秋曰陳有醜人名敦洽龍眉權頰廣眼垂肩唇薄鼻昂皮膚

黻黑陳侯悅之外使治國內使制身後楚兵所圍發言拙避楚遂大怒促兵代陳三月而滅人有言曰敦洽貌陋足以駭人語拙足以喪國陳侯可謂愛忘其醜

水竇

溝渠謂之水竇左傳曰華門圭竇之人而皆凌其土又曰禮義著人情之竇大可通流也

素領

項後白髮謂之素領漢馮唐白首爲郎官素髮垂領

銅臭

將錢買官謂之銅臭後漢崔烈有重名靈帝時入錢五百萬拜司徒烈名譽遂減乃問其子鈞曰外人議我以爲如何鈞對曰人盡嫌大夫銅臭烈怒舉杖擊之鈞服武弁而走烈曰搥不受而走豈爲孝乎鈞曰舜事瞽叟小杖則受大杖則走烈慙而止今以富者亦曰銅臭也

躍馬肉食

乘肥馬食珍味謂之躍馬肉食史記秦國蔡澤問善

相者唐舉曰聞君相李兌百日内持國柄有諸乎舉曰有之請相予何如唐舉視之曰君揭鼻戾唇黉顏蹙頸吾聞聖人不相待先生乎蔡澤知唐舉戲之乃曰君更得四十三年矣蔡澤笑曰吾躍馬肉食更得四十三年亦足矣後果代應侯爲秦相

元昆

長兄謂之元昆周易曰元者善之長也亨者嘉之會也元則長也故論語曰人不問于其父母昆弟之言注云昆卽兄也非長兄不得呼元昆也

義方之訓

教子弟謂之義方之訓左傳曰石碯云臣聞愛子教之以義方也

絺綌

葛衫謂之絺綌論語曰當暑纈絺綌必表而出之注曰單着葛衫而出非禮也

挾纊

著綿衣謂之挾纊史記楚與齊戰楚旣衆時值切寒楚王撫慰將士甘言勉之三軍皆知挾纊不覺寒也

倒載

沉醉謂之倒載晉山簡字季倫爲荊州牧每出酣唱而歸人歌曰山翁住何處來往高陽池日夕倒載歸醕酏無所知

加籩

增添飯味謂之加籩左傳曰鄭伯享楚子加籩豆六品矣

狐假虎威

託威權者謂之狐假虎威春秋後語曰楚莊王問江乙曰寡人自以昭奚卹爲相諸國不敢犯境豈非賢相之力乎江乙對曰王曾聞狐假虎威乎

周郎

士流會音樂謂之周郎吳志周瑜字公瑾妙於音律每有筵宴所奏音樂小有誤失瑜必舉目瞪視時人曰曲有誤周郎顧初孫權兄名策與周瑜同征夏侯獲喬公二女策與瑜各納一人策謂瑜曰喬氏雖至流離得吾二人採納可謂佳壻矣吳國因此呼瑜爲周郎也



蚌鷸相持

兩人相拒拾謂之蚌鷸相持史記趙欲代燕蘇秦爲燕說趙王曰臣今來時水中見一蚌出曝其腹有鷸鳥啄其肉而蚌合其嘴蚌曰今日不出明日不出必見死蚌鷸相持之際有漁父見併而擒之今燕趙相持爲弊甚衆臣恐強秦有漁父之功願大王熟計之趙王乃止

排闥

推門入謂之排闥漢書曰樊噲沛人也以屠沽爲業後從高祖征伐有功高祖既定天下嘗卧疾於禁中不欲見人詔闈者不令放群臣入噲乃排闥直入見高祖流涕曰陛下與臣等起於豐沛其何壯也今天下已定又何憊也帝乃笑而起

鼓盆

喪妻謂之鼓盆莊周妻亡惠子往弔莊周不哭乃鼓盆而歌人問其故莊周曰哭且無益自損而已

巨卿之信

與人相約應時而至謂之巨卿之信後漢范式字巨

卿與張元伯為友春別京師暮秋為期元伯至九月十五日殺雞炊黍以待之母曰相去千里何以審的元伯曰巨卿信士必不愆期言訖巨卿果至

鄧艾之疾

口吃謂之鄧艾之疾魏將鄧艾患吃晉文帝戲艾曰每稱艾艾不知有幾艾艾答曰假如孔子云鳳兮鳳兮亦只有一鳳耳

文過飾非

有過不改但說詞理謂之文過飾非論語曰小人之

過也必文

大宛

馬謂之大宛漢書李廣為貳師將軍領兵伐大宛國得汗血馬武帝遂作天馬歌因號馬為大宛也

去來蒟栗

馬料謂之蒟栗後漢第五倫為會稽太守躬自斬蒟栗以飼馬

卷上終

口吃蘇粟部父之疾魏將齊文忠之書文帝義武  
齊文忠血濕左帝殺并天濕烟因濕濕為大哀也  
濕濕之大哀蕪書李貴為瀕神洙軍險其大哀國

大哀節非

獸出必文但說詞理謂之文也

釋常談卷中

彈鋏

譏諷主人覓食物謂之彈鋏史記馮驩在孟常君門  
下為客每給蔬飯驩乃倚柱彈鋏而歌曰長鋏兮歸  
去來食無魚孟常君知之乃依上客給以魚肉後果  
有市義三穴之功以報孟嘗君

傭書

受僱寫文字謂之傭書吳志闕澤字德潤會稽人好  
學居貧為人傭書以自給抄寫纔畢已誦在口後位

至侍中

蒲鞭之耻

罪重而懲輕者謂之蒲鞭之耻漢書劉寬字文饒爲南陽太守吏有過以蒲鞭決責示其耻也

閱東閣

接待賓客謂之開東閣漢公孫弘起客舍謂之東閣招迎賢士後爲丞相封平津侯

東道

接待賓客謂之東道史記秦欲破鄭鄭國君謂秦王

曰若能捨鄭願爲東道之主有賓客往來可以救接其不達者也

楊朱之泣

泣於途路謂之楊朱之泣淮南子曰楊朱見岐路而泣之曰何以南何以北高誘曰嗟其別易而會難也

七步之才

文章敏捷謂之七步之才陳思王名子建魏文帝親弟也有大才文帝嫉之令作詩限七步內須成子建詩曰煮豆燃豆其豆在釜中泣本是同根生相煎何

太急

八斗之才

文章多謂之八斗之才謝靈運嘗曰天下才有一石曹子建獨占八斗我得一斗天下共分一斗

膠柱鼓瑟

不見機而守舊規者謂之膠柱鼓瑟史記趙有名將趙奢能用兵奢既死趙王憐之使其子括將兵拒秦藺相如諫曰大王以其父之能而用其子者如膠柱鼓瑟耳

鬱壘

桃符謂之鬱壘于竇續搜神記及應邵風俗通云東海之中度朔山有盤桃屈曲三千里枝間東北山有二鬼一名鬱壘一名神荼萬鬼皆治之今歲首立桃符于門畫此之形以辟鬼也

弊帷之嘆

馬死謂之弊帷之嘆禮記曰弊帷不棄為埋馬也弊蓋不棄為埋狗也

雪東門之耻

堅心報怨謂之雪東門之耻越王勾踐不納范蠡之  
諫與兵伐吳果大敗于吳之東門越王以餘兵五千  
退保會稽遂苦身勞思置膽于坐卧之所出入嘗之  
不忘其苦後果獲吳軍以雪東門之耻

### 折券

毀除文契謂之折券齊相孟嘗君受封邑于薛

薛地名

召門客往薛徵租時有下客馮驩請行驪至薛召欠

租者悉至合其券既同

券今契也

詐稱孟嘗君令放欠租

盡焚其券

### 分謗

救人行非事謂之分謗昔韓獻子將欲斬人邾獻子  
往救之至則已斬訖邾獻子徇之曰吾為韓君分謗  
也

### 棄繻之志

人有決意求官者謂之棄繻之志史記終軍字子雲  
西遊入關關吏曰若還當合符繻軍曰大丈夫西遊  
終不徒還遂棄繻而度關後為謁者持節出關關吏  
見之曰此前棄繻生也

伐柯

媒人謂之伐柯詩曰析薪如之何匪斧不克娶妻如之何匪媒不得

王濟之僻

諳馬性謂之王濟之僻晉王濟乘馬度水馬不肯度濟曰必是惜錦連軋今之紫襜是也令解去之馬乃過水杜預謂晉帝曰王濟有馬僻和嶠有錢僻帝問曰卿有何僻臣有傳僻

潤屋

家富謂之潤屋曾子曰德潤于身富潤于屋

修容

重梳裏謂之修容漢馮黎字叔平為人矜嚴好修容儀動作可觀

鬢髮皓齒

女人髮黑齒白謂之鬢髮皓齒漢武帝幸平陽公主宅見歌者鬢髮皓齒悅而問之主曰姓衛字子夫帝遂納之即令升車從帝入宮後冊為皇后

鮮粧帕服

婦人施粉黛花鈿著好衣裳謂之鮮粧帕服李夫人別傳曰夫人久病武帝親往問之夫人面牆而卧都不廻顧默然不語帝垂泣而去延年已下責夫人曰帝既再三顧問合轉面一見帝囑託骨肉何乃略不廻顧夫人曰我若不起此病帝必追思我鮮粧帕服之時是深囑託也

么麼

身小謂之么麼春秋後語曰齊相孟常君入秦秦王畱之不放歸本國君乃逃去至函谷關關猶未開秦

法候雞鳴關方開孟常君有門客詐作雞鳴關乃開遂得出關徑往趙趙之人聞孟常君至觀者如堵及見乃曰向來聞孟常君之名將謂是魁梧之士此乃么麼丈夫耳

持兩端

事有未決臨時看勢謂之持兩端史記魏信陵君之姊嫁趙平原君爲夫人秦發兵圍平原君平原君遂遣使告信陵君今求魏王救之王曰欲救趙又恐秦國強大不救又與趙有骨肉之情



色莊

面嚴毅謂之色莊論語曰君子色莊者乎

屣步

不乘鞍馬謂之屣步屣鞋也蔡邕雅重王粲屣步迎之

七筯

匙筯謂之七筯蜀志先主劉備從曹操歸許昌操因從容次謂先主曰天下英雄唯使君與操耳本初之徒不足數也先主食次不覺七筯墮地蓋怕曹操此

語恐相害也

握髮吐餐

不倦賓客謂之握髮吐餐史記周公輔政七年其子伯禽驕慢公誡之曰吾是文王之子武王之弟成王之叔於天下可謂貴矣猶一沐三握髮一食三吐餐以接賓客恐遭人怨恐遺天下賢士汝慎勿驕慢於四方

掛冠

休官謂之掛冠西漢馮萌字子康見王莽篡逆乃曰

不去禍將及身遂解冠掛於城東門而去

步履蹒跚

患脚謂之步履蹒跚春秋時平原君趙勝有愛妾登樓見一跛躄者於樓下蹒跚而行妾見之大笑躄者詣其門謂平原君曰某不幸有足疾君家美人笑某請君斬其頭平原君許之而終不斬門下諸客聞之稍稍而去有一客謂君曰君許躄者斬美人而終不斬是君無信也平原君遂斬其妾以謝之諸客再至

櫝楚

杖謂之櫝楚禮記曰櫝楚二物權其威也

塞上翁失馬

禍福相隨謂之塞上翁失馬淮南子云塞上翁有好道者家有走馬入胡地隣人皆嘆其失馬翁曰未必為禍居數日其馬引胡虜駿馬同歸鄰人又皆賀之翁曰未必為福既得駿馬翁之子墮馬折臂鄰人又來借問翁曰未必為禍居一年胡虜天下下壯者皆控弦而戰翁之子以臂折得免

卷中終



釋常談 卷下  
參殺人母曰參必不殺人俄頃又有人來告其母曰  
曾參殺人母亦不信如此三度其母乃驚疑投杼出  
門而望復有人來其母問之答曰殺人者非母之子  
也

登徒子

男子好色謂之登徒子宋玉曰登徒子真好色者也  
婦人有蓬頭垢面彎耳露齒皆淫之

不速之客

凡筵宴有不屈命而自來者謂之不速之客周易曰

包有魚不利于客有不速客三人來敬之終吉

憔悴

人有失意瘦惡謂之憔悴春秋云屈原事楚懷王爲  
三閭大夫爲佞臣靳尚所讒王乃流放之原遂遊于  
江潭行吟澤畔形容憔悴

陸雲之癖

愛笑謂之陸雲之癖晉陸機見司空張華華曰賢弟  
何不來機曰舍弟有笑疾不敢不先陳之張華鬚偏  
遂以錦囊盛之雲見果大笑華終不怪又嘗縑絰上

船水中見已之影大笑落水幾死

無鹽

女人醜陋謂之無鹽齊有醜女號無鹽曰頭深目埳  
胷墜腰肥項少髮皮膚如漆

伐善

凡人自衒其能謂之伐善論語曰願無伐善無施勞

盤庚

五遷謂之盤庚尚書盤庚云殷帝五遷其國

杖頭

百錢謂之杖頭晉阮修字宣子嘗以百錢掛杖頭至  
酒家獨飲酣暢而歸

上巳日

三月三日謂之上巳日漢書禮儀至三月三日士流  
祓禊飲酒於東流自魏但以三月三日不計上巳日  
落帽之辰

重陽謂之落帽之辰晉孟嘉爲桓溫參軍溫甚重之  
重陽會飲于龍山嘉後至忽風起吹帽落而嘉不覺  
溫誠左右勿言以觀舉止也

喪明之感

子死謂之喪明之感禮記曰子夏死其子而喪其明曾子弔而問曰吾嘗與汝事夫子于洙泗之間退而老子西河之上使西河之民疑汝于夫子汝罪一也喪汝親使人來有聞焉汝罪二也汝子死而自喪其明汝罪三也子夏投其杖而拜之曰吾過也

倨傲

見人輕慢謂之倨傲漢酈食其食音易其音箕謁高祖高祖方使二婢洗足次令引食其入食其既入見高祖乃

長揖而不拜問高祖曰大王欲助秦乎為復破秦若擬破秦豈可倨傲見長者耶

疊疊

事有相續謂之疊疊疊者莫善乎著龜故天生神物聖人則之疊疊卽是相續不絕也

以已方人

人自所好而指與他人同者謂之以已方人謂以己身比方他人也論語云子貢方人子曰賜賢乎哉夫我則不暇今人多云以已方人也

絕纓

夜飲次忽燭滅謂之絕纓楚莊王與羣臣夜飲次燭滅有一人起牽美人衣美人告王曰有人牽妾衣已絕得其纓矣王曰飲人以酒而責人以禮吾不爲也遂令左右盡絕其纓然後繼燭

哀王孫

見貧士與錢及食謂之哀王孫漢書韓信淮陰人也少將家貧嘗至下邳釣魚有漂母哀之將歸家致食因止信數十日信謂漂母曰異日必願酬答漂母曰

哀王孫而進食豈望報乎

掃門

凡欲求事先施功力謂之掃門漢書魏勃欲見齊相曹參無人相導勃每日早來平明卽往參之門掃淨街路參怪而潛問之乃魏勃也引而問之答曰願見丞相于是爲之通達參遂納之擢爲舍人

俯拾地芥

能修志業苦求身事謂之如俯拾地芥漢書夏侯勝字長公常云男子所患不明一經經術旣明取朱紫

如俯拾地芥

歸遺細君

從外將物歸與妻謂之歸遺細君細君即妻也漢武帝因伏日賜東方朔肉太官不在朔乃自抽所佩劍割肉將歸太官遂錄奏帝帝令朔自責朔曰拔劍割肉一何壯也割之不多又何廉也歸遺細君又何義也

達于未萌

知未來事謂之達于未萌春秋後語云趙武靈王欲

衣胡服公子成以不便奏之王問服之義公子成對

曰愚者達于成事智者達于未萌遂不納公子成之

言即日胡服

何日脂轄

問人何日遠行謂之何日脂轄詩曰巾車脂轄行在

何日

有鴻鵠之志

人雖居貧而志大者謂之有鴻鵠之志史記陳勝字

涉少時家貧為人傭耕忽謂同耕者曰他日富貴不



釋常談 卷下  
忘汝等同耕者笑曰貧寒如此焉有富貴勝曰鷺雀  
豈知鴻鵠之志哉

掛劍之義

心許人物而不勇移者謂之掛劍之義史記吳季扎  
吳王最小子也王使扎聘于晉帶寶劍以自衛北過  
徐君念扎之劍雖不形言扎心已惻扎以遠使未達  
心私許之及扎迴徐君已死乃以劍掛墓樹而去

忠信獲罪

爲事盡忠反招疑忌者謂之忠信獲罪史記蘓秦自  
齊歸燕國人毀之于燕王曰蘇秦左右賣國反覆之  
臣也王遂棄而不用蘇秦謂燕王曰王聞有忠信獲  
罪者乎

燕爾

新婚者謂之燕爾詩曰燕爾新婚

于飛

夫妻同行謂之于飛詩曰鳳凰于飛

自掇其咎

公然爲非自致其禍謂之自掇其咎周易曰不克訟

歸逋竄也自下訟上患至掇也

趙達

筋謂之趙達趙達吳國人也善將一筋而算無不徵  
應吳國興亡之事並中其算

失飪

飲食過熟謂之失飪論語曰臭惡不食失飪不食

風流醞藉

人有溫柔雅謂之風流醞藉書廣德如此

六出

雪謂之六出草木諸花皆有五出唯雪有六出

二毛

髮半白謂之二毛昔潘安仁年三十二歲髻已二毛

馳騫

驅馳求名利謂之馳騫

風馬牛

人事不相干不相接謂之風馬牛

聾曠

聾謂之聾曠天子以綿擁其耳不聽人過

圓規方矩

指教謂之圓規方矩

聾瞽

不嚮好事謂之聾瞽

敗于垂成

凡事欲成却不成謂之敗于垂成

靡惡不為

不善之事並曾為之謂之靡惡不為

白媒

自稱已善謂之自媒

厚誣

枉人為非謂之厚誣史記吾雖小人不可厚誣君子

漢蔡邕獨斷天子所在曰御前

陛下

周紀注王者世有執兵陳於塔陛之側陛下者

卷下終

釋常談

卷下

乙

不謂好事謂之豫管

敗于垂成

凡事欲成却不成謂之敗于垂成

小人為非謂之卑窮也謂善難小人不可卑窮其于  
不善卑窮並曾為之謂之靡惡不為

自蘇曰善賄之自欺

續釋常談

宋 龔熙正撰 陶宗儀輯

御前

後漢蔡邕獨斷天子所在曰御前

陛下

漢高祖紀注王者世有執兵陳於階陛之側陛下者  
郡臣嚴至尊之意也

計較

三國志孫堅傳堅夜馳見袁術畫地計較

下官

通典曰宋孝武帝多積忌諸國史人於本國者不得稱臣而稱下官事在孝武帝紀中也一說者云稱臣者通稱為梁武帝史改臣為下官

面折

漢王陵傳陳平日於面折庭爭臣不如君汲黯傳黯為人惟倨少禮面折不能容人之過公孫弘傳每朝會議開陳其端使人之自釋不肯面折送事

相門有相

按南史王詢召見文德殿上目送之謂來弁曰可為相門有相

將門有將

王鎮惡傳宋武帝曰鎮惡王猛孫所謂將門有將

郎君

世說諸葛瑾為豫州遣別駕詣臺語云小兒恪知謹卿可以語速連往詣恪恪不與相見後相遇別駕喚恪咄咄郎君云

半子

唐回紇傳咸安公主下嫁可汗上書恭甚其言昔為兄弟今為半子也

姨夫

元氏小叔與姪大淵書云吾時在鳳翔每借書與齊倉曹家徒步執陸姨夫師受

小姑

古樂府焦仲卿妻詞云却與小姑別泪落連珠子

令弟

文選謝靈運從弟惠連云末路值令弟酬問開顏披

心

姑夫

五代史石敬瑭入篡時皇后云姑夫

妹婿

三輔決錄趙岐娶馬續女宗姜為妻續兄子融岐曰

妹婿之故屈志于融

弟婦

弟談數王詢祖曰唯覺妹夫踈于弟婦

先輩

世說王子敬問謝公休何如庾公謝殊不受答曰先  
輩初無論又人有問太傅子敬可是先輩誰比謝曰  
阿敬近撮王劉之標

火伴

古木蘭詞云出門見火伴

家屬

孔毅父雜說前漢西域傳屯田輪臺募民壯健累重  
敢涉者詣田所注累重謂妻子家屬也

丫頭

劉賓客寄贈小樊詩云花面丫頭十三四春來綽約  
向人時

小家子

殷雲小說李膺州縣聶季保小家子不敢見膺

打草驚蛇

主簿貪賄于魯魯乃判曰汝雖打草吾已驚蛇

乞兒

漢官儀曰張衡云明帝臨軒雍歷二府光觀壯麗而  
太尉府獨卑陋顯宗東顧嘆息曰推牛縱酒勿令乞

兒爲宰

檀郎

李商隱詩傳道門庭舊未行今朝歌管屬檀郎李賀詩檀郎眠何處

妳妳

焦仲卿妻古詩云阿母曰媒人貧賤有此女始適還家門又云阿母謝媒人女子先有誓又云媒人下床去諾諾復妳妳

陪酒陪歌

釋仲殊花品序每歲禁煙前後置酒饌以待來賓賞花者不問親疎謂之看花局故俚語云彈琴種花陪酒陪歌

暖寒之具

開元天寶遺事巨豪王元寶每至冬月大雪之祭令僕夫自本坊巷口掃雪爲徑路躬親至坊前之巷揖賓客就本家具酒炙宴樂之爲暖寒之具

書手

報應記宋術士淮人應明經舉元和至河陰縣因疾



病廢業為鹽鐵院書手

阿妳

李商隱雜纂七不稱意內云少去聲阿妳

村氣

劉餗隋唐嘉話薛方徹尚丹陽公主太宗嘗謂人曰此乃薛附馬村氣也

客氣

左傳定公八年陽虎入盡客氣也南史宋尚書左丞荀亦松秦顏延之啓云高自北擬合客氣虛張

幹事

南史沈文學傳宋明帝就褚彥回求一幹事人為晉平王之上佐

後生子

鮑明遠少年時至衰老行篇云寄語後生子作樂當及春今俗少年者呼為後生子士往往笑之不謂比乃古語而人尚用之也

八十四卷西人傳狀之書

又本今悉及平首利國對上十十百... 又之平階出  
雖則甚少平利至友友皆論入言... 亦不詳...

縣志年

平王太子

南史... 太子... 太子... 太子...

傳事

